

162

*Primae Linnaeae Therapeuticae*

— 1766. —

60258-94

CB1

21335/11/11 77449  
PRIMÆ LINEÆ  
THERAPEUTICÆ.

QUARUM veritatem , Deo-duce & auspice  
Dei-parâ , in Augustissimo Ludovico  
Medico Monspeliensi tueri conabitur ,  
Autor ALEXANDER ROUCHET DUVERGER  
è Loco d'Arlebosç Diœcesis Viennensis  
apud Vivarienses , Artium Liberalium  
Magister, nec-non jamdudùm Medicinæ  
alumnus. Die           Aprilis anni 1766.

*PRO BACCALAUREATUS GRADU CONSEQUENDO.*



MONSPELII ,

Apud AUGUSTINUM - FRANCISCUM ROCHARD ,  
Regis & Universitatis Medicinæ Typogra-  
phum unicum.

---

M. DCC. LXVI.





ILLUSTRISSIMO NOBILISSIMOQUE VIRO D.D.

DUBOURG DE ST. POLGUE

MARCHIONI DE BOZAS &c, &c, &c.

**V**IR ILLUSTRISIME,

*Tuum nomen hisce meis pagellis præfigendum ambivi quidè̃m enixissimè̃, & benivolus annuisti. Nèc is sum qui studere voluerim propriis commodis, te quæsito Mæcenate, hoc tantùm studui, ut innotesceret virum optimum Nobilitatis genere adhuc minùs, quàm morum suavitatem, Comitatem Commendandum cæptis meis favere, mequè huic viro peroptimo omnimodè̃*



devinctissimum esse. Namquè nihil uspiàm  
ardentiùs fuit in votis aut gloriòsius , quàm  
placere bonis , & illis decoro mancipio ser-  
vire. Hæc , quæ palàm profiteor verissima ,  
benignus excipias velim , faxitquè summum  
numen , ut diù vivas sospes & incolumis  
faverequè pergas ,

*VIR ILLUSTRISIME ,*

Obsequentissimo & humillimo  
Clienti & Servo ,

ALEXANDRO ROUCHET DUVERGER.

Dabam Monspeli die 10<sup>a</sup>. mensis  
Aprilis anni 1766.



# PRIMÆ LINEÆ

## THERAPEUTICÆ.

### I.



HERAPEUTICÆ Medicarum institutionum ultima pars , docet quid Medicus præstare debeat intèr curandos morbos , ut ægrum juvare , aut ipsi prodesse , aut saltèm non nocere possit.

Mediocritèr attendenti patebit in tantùm hæc à Medico præstari posse , in tantùm cognoscet apprimè. 1<sup>o</sup>. Quid sit in ægro servandùm , aut mutandùm , ut ille reducatur ad conditiones sanitatis. 2<sup>o</sup>. Quibus auxiliis servare , aut mutare queat servandà aut mutanda in finem propositum. 3<sup>o</sup>. Quibus cautelis institui debeat multigenorum auxiliorum administratio.

Indè nascetur ordo , quem sequemur in tradendis istis primis Lineis Therapeuticis.

Quid servandum , aut mutandum in ægro discet Medicus attendendo ad ea , quæ in eo secundum aut contra naturam reperiuntur , juxta illud universalissimum præceptum : *quæ secundum naturam sunt , servari debent , mutari verò quæcunque contra ipsam observantur.*

Quæ secundum naturam sunt in ægro- tante , deteguntur inspectione , palpatione & interrogatione circa modum , quo in ipso exercentur omnes functiones tum vitales , tum naturales , tum animales , quas ergo cunctas animo repositas Medicus habeat necessum est , ut circa illas sedulus ægrotantem percunctari possit. Ut autem vitetur omnis error , in mentem revocet opus est varietates multigenas in exercitio functionum & habitû corporis , quas sistunt ætates , sexus , consuetudo , peculiaris constitutio ægrotantis seu idiosyncrasia , anni tempestates , diversa climata , &c. Nequè etià immemor sit à præsentia Medici sensibilitèr mutari pulsum , calorem , vultûs habitum , &c. Prædicta considerans in ægro qualia sunt & conferens cum iis , quæ docet Physiologia , haud ægrè perspicet quænam supersint secundum naturæ ritum.



Eâdem etiâ operâ facilè sentiet quænam sint contrâ naturæ ordinem & quousquè illa recedant à consueto statû sanitatis. Verùm necessaria est ulterior indagatio ad determinandum quâ ratione mutanda sint ea, quæ mutari debere Medicus didicit mòx prædictorum cognitione. Enimverò genus morbi, species, principia seù evidentia, seù latentia hunc in finem cognosci debent.

### III.

Genus morbi perspectum habebitur ex symptomatis in ægro concurrentibus simul, collatis cum illis quæ docentur in historiâ morborum; species ex quibusdam symptomatis superadditis internoscetur eâdem historiâ morborum facem præferente.

Principia morbi pateſcent ex ægro interrogato circâ usum sex rerum non naturalium, circâ prægressos morbos, parentes, nutrices, ex observatione attentâ symptomatum, si quæ sint, variis illis causis specificis priorum, quæ vulgò nomine *virûs* indigitantur. Quæ omnia præcognita supponuntur à Medico in artis suæ exercitio versante.

### IV.

Hæc quæ mòx proposita sunt (II. III.), sedulò pensitata, quatenùs Medicum do-

cent quænam servanda sint aut mutanda , proindequæ ipsi viam quasi indicant , quam sequi debet in morbi curatione , vulgari , nomine *indicantium* appellari solent. Indè liquet indicans esse id omne , quod in ægro circà ægrum præteritum , præsens aut futurum in mente Medici parit intellectum rei cujusvis servandæ aut mutandæ , ut sanitas restituatur. Porro intellectus ille in mente Medici natus ex indicantis contemplatione , *indicatio* dicitur. Id autem quod suadet agendum , aut prescribendum , ut servanda servantur , mutanda mutantur appositè , *indicati* vocabulo designatur.

## V.

Dicta perpendenti ( II. III. ) liquebit ingentem esse & vix àc nè vix quidè definiendum indicantium numerum , undè factum fuit , ut juvandæ memoriæ & doctrinæ clarioris gratiâ , ad quatuor capita generatim revocarentur. Nempè indicans *vitale* , indicans *præservatorium* , indicans *curatorium* & indicans *palliativum* , *urgens* aut *symptomaticum*.

## VI.

Indicans *vitale* id est , quod docet agenda circà vires vitæ , prout illæ sunt vel servandæ , vel mutandæ , quandò



nempè stant infrà , àut suprà modum debitum.

Indicans *prophylacticum* seù præservatorium illud est , quod indicat agenda relativè ad causas seù principia , quæ morbum induxerunt ; quæ abigi debent , ut æger præservetur ab ulteriori noxâ , àut jam facta faciliùs , àut promptiùs excutiatur.

Indicans *curatorium* hoc est , quod docet præstanda , ut morbus ipse sive symptomaticè , sive pathologicè spectatus debelletur.

Indicans *palliativum* suppeditant varia symptomata , ut plurimùm accidentalialia morbi , quorum si peculiaris ratio non haberetur , vix àc nè vix quidè m sanari posset morbus aptâ methodo.

## V I I.

Intellectus agendorum ex contemplatione indicantis in mente medici natus , *indicatio* est , uti suprà diximus ( IV. ) undè sequitur totuplicem esse indicationem , quotuplex est indicans proindequè quadruplicem , indicationem scilicèt *vitam* , *prophylacticam* , *curatoriam* & *palliativam* , quarum singularum objectum idem esse liquet àc indicantis , cujus contemplatione suboriuntur in mente medici.

Porro indicata , hoc est , ea media quorum ope id efficere possumus in ægro , quod faciendum esse suadent indicationes , nomine generalissimo *remediorum* aut *auxiliorum* indigitantur. Hæc auxilia triplici è fonte manant , nempe ex diætâ , Chirurgiâ & Pharmaciâ.

*Diætæ* vocabulum infumitur ad designandum aptum usum sex rerum non naturalium in ægrorum curatione : à quibusdam , sed nullâ necessitate , limitatur hæc vox ad significandam tantummodò rationem victûs , quoad cibum & potum ægris præscribendum. Sub hoc ultimo respectû potissimum dividi solet diætâ in *tenuissimam* , *tenuem* , *mediocrem* & *fortem* , quæ tamen divisio , uti levitèr attendenti patebit , æquè aptari posset usui cæterarum rerum non naturalium.

Habitâ ratione cibi , diætâ *tenuissima* est , quandò omne alimentum interdicitur , & sola aqua identidè conceditur ; *tenuis* est , quotiès alimentum sub formâ liquidâ præscribitur , v. g. sub formâ jusculorum aut cremorum dilutiorum ; *mediocris* nomine salutatur , quandò permittuntur alimenta mediâ consistentiâ prædita , uti sunt offæ panatellæ , ova forbilia , &c. Demùm diætâ *fortis* est , quandò solidi



cibi admittuntur non quicumque indiscriminatim, sed selecti.

Quoad potius respectum diæta patitur easdem divisiones prout vel nullus aut paucus aut mediocri quantitate aut largus præscribitur. Facillimè transferri potest memorata diætæ divisio, prout jam monuimus, ad cujuslibet alterius rei non naturalis usum.

Chirurgia suppeditat media, quibus, admotâ manû nudâ, aut instrumentis armatâ, mutationes utiles ad ægri sanitatem restituendam in ipso induci queunt, sive dividendo partes corporis, sive illas ad contactum revocando, sive quæ ab extrinseco delapsa sunt, aut intus præter naturam genita sunt exerendo, sive partes ipsas auferendo, sive, illis ablatis, supplendo, sive dimotas à suâ sede ad contiguitatem naturalem reducendo; quæ diversitas modorum, quibus utilis est Chirurgia, effecit, ut illa à præstantissimis in arte viris ad sex capita generalia revocarentur, propriis nominibus insignita, nempe *diæresin*, *synthesin*, *exæresin*, *aphæresin*, *prosthesin* & *diorthosin*: quæ nomina hîc ponuntur eo ordine, quo fuerunt expositi modi, quibus ægris opitulatur Chirurgia.

Pharmacia strictiori sensû sumpta seligit, asservat, variis formulis miscet, combinat, præparat diversis artificiis corpora multigena, quæ suppeditant regnum animale, vegetale & minerale, tùm intûs, tùm extûs applicanda in finem diversarum mutationum utilium inducendarum in humano corpore; quæ collectivè sumpta constituunt materiem medicam, quam docet specialius Pharmacologia; hæc Pharmaciæ subjecta strictiori vocabulo *Pharmaca* seu *medicamenta* vocantur, quorum vires, effectus, doses & administratio exponuntur apud Pharmacologos. Inutilis est, imò falsa divisio Pharmaciæ in galenicam & Chemicam.

### VIII.

Haftenûs memorata pensitanti patebit, 1<sup>o</sup>. Indicationibus regi debere medicum in curatione morborum; 2<sup>o</sup>. Auxilia, quibus indicationibus variis satisfacere possit, debere esse ipsi nota ex prægressâ cognitione diætæ, Chirurgiæ & Pharmaciæ lato sensû intellectæ, ità ut intèr curandos morbos, hoc sit medici munus, ut inveniat per indicationes, quid agendum sit, & intèr varia auxilia sibi nota, observatione & ratione ducibus, ea seligat, quæ aptissima sunt ad producendum effectum



tum expetitur, non neglectis cautelis, quibus eorum usus tutior fieri potest. Itaque, juxta indicationum ordinem, disponi possunt præcepta generalia ad morborum curationem, quibus primæ lineæ therapeuticæ circumscribendæ veniunt.

## I X.

Ab indicatione vitali ducimus exordium, quæ deducitur ex consideratione virium vitæ, sine quâ iners est omnis medela.

Porro vires vitæ æstimari possunt ex gradu vario sensibilitatis, mobilitatis, expulsi, respiratione, calore.

Quotiescunque vires vitæ, habitâ prædictorum ratione, non videntur recedere à statu naturali, indicatur tantum earum conservatio; si langueant infra naturæ modum dejectæ, exsuscitandæ sunt, si verò ultra consuetum naturæ ordinem intenduntur, reprimendæ veniunt. Hic, cum agatur de morborum curatione, notabimus per naturæ modum, hic non tantum intelligi modum naturæ moventis corpus ritè constitutum & Physicè sanum, sed etiam modum naturæ, qualis observatione constanti probatur utilis esse ad morborum curationem, aut saltè qualis observatur stare in ægrotante cum hujus

emolumento. Quâ quidem annotatione probè penfitatâ , vitabuntur errores gravissimi , illâ neglectâ , alioquin secuturi , sic , ut exemplo mens nostra dilucidior fiat , in morbis febrilibus , ultrâ modum consuetum in statû sanitatis , intenduntur vitæ vires , sed intrâ certos limites intendi debent , quos ultrâ citràquè , docente observatione , recta curatio consistere nequit. Hic est ergò , quem servat natura , tùm in statû sanitatis , tùm in statû ægritudinis , modus , qui perpetuò à medico sollicitissimè servari debet , aut restitui in consuetum ordinem.

Vires vitæ servantur idoneis alimentis & aptâ formâ exhibitis.

In morbis acutis diæta tenuis potissimum præscribitur , maximè in vigore morbi : & quidem quò morbus acutior est & vehementior , eò exactiùs diæta tenuis esse debet , imò tenuissima.

In morbis acutis , ubi observantur calor acer & mordax , cutis ficcitas , linguæ quasi flammæ ariditas , fitis intensa , cremores ex oryzâ , hordeo dilutiores anteferuntur jusculis , quibus in simili casû uti , si lubet , ea alterari incoctis cichoreo , borraginè , lactucâ aliisque refrigerantibus plantis , optimum erit. Si verò hæc signa



abfuerint , quæ magis utilem suadeant  
 ufum vegetabilium memoratorum , tunc  
 jufcula concedentur : quos cibos quartâ  
 quâlibet horâ exhibitos , fatis effe ad  
 virium confervationem in acutis com-  
 monftrat experientia.

Declinante morbo jam manifefiffimè ,  
 diæta mediocris præfcribetur tantò minùs à  
 tenui diffidens , quantò proprior adhucdùm  
 eft morbi ftatus , tantò magis ad fortem  
 accedens , quantò magis diftat morbi  
 ftatus , & functiones recuperant confuetas  
 in fanitate conditiones.

In morbis chronicis diæta mediocris  
 efto , vèl etiàm fortis. Proùt morbi fym-  
 ptomata , ægri temperamentum docent  
 metuendum effe à calefacientibus , aut  
 refrigerantibus. Hæc feligi debent ali-  
 menta , quæ docente experientiâ , cale-  
 faciunt , aut refrigerant , juxtâ vulgarem  
 practitorum loquendi formulam. Paulò  
 plenius matutinis horis & mēridianis ,  
 quàm ferotinis cibari poffe ægrotantes  
 monet obfervatio. Cæterùm , in præfcri-  
 bendâ diætâ chronicorum , memor fit  
 oportet medicus in iis plurimùm confue-  
 tudinem valere , & fæpè gratiorem cibum ,  
 licèt juxtâ artis præcepta generalia minùs  
 convenientem , plùs prodeffe infuaviori

cibo, quem suaderent generales artis leges, sic dudum monente Hyppocrate, cui procûl dubio favent experimenta quotidiana.

Potus in acutis aquosus fit, vèl simplex, vèl alteratus incoctis, aut infusis illis medicaminibus, quæ genium mobi expostulare videtur, aqua pulli, decoctum oryzæ, hordei, limonata, decocta radicum althææ, nymphææ levia, infusa florum malvæ, violarum maximè laudantur, ubi fervent omnia in ægrotantis corpore, ubi ardor quasi depascitur ægrum & sitis urget vix sedanda; infusa capillorum veneris, scolopendrii, decocta radicis graminis, &c. usurpari solent, ubi hæc priora symptomata absunt.

Potus sitienti ægro concedatur, sed tantò parcius quâlibet vice, quantò sæpius potandus est.

In morbis chronicis eadem leges servantur, ubi potus medicati præscribuntur. Verùm in hisce morbis vinum, potus caffèe & similes quandoquè concedi possunt, quibus non locus est in acutis. In potû sicût & in cibo præscribendis, semper eadem habeatur ratio supradicta consuetudinis, & suaviorum aut insuaviorum potulentorum.



Si vires vitæ recesserint à modo naturæ (IX, ) id duplici ratione tantum accidere potest, vel quia stant infra, aut eriguntur supra modum naturæ.

Si contigerit vires languere dejectas, tunc probe perspiciat medicus necesse est, an exhaustæ, ut aiunt, an oppressæ sint, quod ultimum si locum habuerit, iterum sedulo perpendendum veniet quarumnam antecedentium causarum energiâ, aut quocum symptomatum concursu, talis virium conditio manifestetur. Si vires exhaustæ fuerint, præter remedia diætetica, quæ hactenus præscripta sunt, cedent in usum ad impendentem virium resolutionem integram præcavendam medicamenta, quæ titulo cardiacorum insigniuntur, plus minusve sæpè exhibita, prout è re videbitur. Excipe tamen, largarum hæmorrhagiarum casus, ex apertis potissimum magnis vasis, tunc enim vel à cardiacis propriè dictis abstinendum est, vel inter ea levissima feligenda sunt.

Si vires oppressæ fuerint, suppressiones sanguinearum evacuationum prægressæ sint, si pulsus plenus, mollis debilisquè fuerit, vasa per habitum corporis, faciem imprimis turgida, sensibilitas imminuta, ad

soporem inclinatio , lassitudo spontanea  
 aut tensiva , tunc , sanguinis missione ce-  
 lebratâ , vires redintegrari docuit obser-  
 vatio ; quod si cum virium oppressione  
 aliundè perspectâ , peccatum sit in usû  
 ciborum nimio , calor non multùm exsu-  
 peret naturalem , pulsus inæqualis sit &  
 intermittens , lingua amarescat , aut quo-  
 cunque alio sapore pravo inficiatur , si  
 vomituritio , pondus stomachi , dolores  
 vagi colici observentur , tunc in emeticis  
 aut cathartics quærendum erit illud re-  
 medium , quod satisfaciat indicationi vitali ,  
 prudenter tamèn in hisce circumstantiis  
 addentur quædam levia cardiaca potionibus  
 emeticis , aut cathartics , aut iisdem car-  
 diacis reficietur æger antè aut post eva-  
 cuationem medicamenti effectum ; quæ  
 ultima cautio vix locum habet , ubi oppor-  
 tunè indicationi satisfactum fuerit , namquè  
 tunc , nedùm à dejectionibus , aut eva-  
 cuationibus vires minuantur , quin potius  
 evidentèr increscunt.

Si præ doloris alicubi sævientis atro-  
 citate vires dijectæ sint , tunc dolorem  
 sedantibus Pharmacis revocabuntur ad  
 debitum modum.

Evidens est quod vires ab animi pa-  
 themate languentes , auxiliis moralibus



utilitèr solummodò recreari possint. Hæcquæ data exempla satis sint, ad firmandum generale præceptum traditum circa vires oppreſſas rendintegrandas.

Quod si vires vitales suprà modum erigantur, tunc reducendæ sunt ad justos limites. Venæ sectiones plùs minùsvè repetitæ proderunt in morbis exquisitè inflammatoriis, qui si fuerint eryſipelatoſi, diæta refrigerans, demulcens, medicamenta nitroſa, acidula, farinacea egregiè conducent in memoratum ſcopum; uno verbo, attendendum eſt ad principia illius aucti motûs, quantum cognosci poſſunt, ad hiftoriam ſingularem cujuſlibet morbi, in quo talis exceſſus reperitur, & exindè exhibenda ſunt, quæ adverſantur principiis cognitis, aut quæ docentur hiftoriæ medicæ ſincerâ fide.

## XI.

Indicatio prophylactica ſeu præſervatoria medico præbet intelligendum principia morbi tùm evidentia, tùm latentia, ſed ſignis ſibi propriis manifeſta tolli debere, quibus mediis huic indicationi ſatisfacere poſſit, diſcet medicus ex perſpectis illis principiis evidentibus, quæ maximè ex interrogatione ſedulâ circa uſum abuſumvè ſex rerum non naturalium

præstare possunt, eâ generalissimâ lege; *contraria contrariis emendari*, aut *abigi*: cui legi obsequens diætam hanc imperabit, quæ adversetur erroribus in vitæ regimine antea factis. Nèc ibi subsistet indicationis prophylacticæ utilitas; enimverò etiam si nullus error in vivendi ratione prægressus foret, attamen medicum monet omnia externa ità circà ægrum comparari, aut comparanda venire, ut faveant ægrotantis sanationi, nec ipsi, quammaximè fieri potest, obstare queant. Dolendum est procùl dubio methodicorum, circà hanc indicationem, exactissimam sedulitatem desiderari ferè ex toto apud plerosque clinicos, imò omnes fermè recentiores scriptores.

Si causis mechanicis evidentibus læsum fuerit corpus, ità ut ex hâc læsione morbi curationi neſtantur moræ, tunc, ex idoneis auxiliis Chirurgicis ritè applicatis, petentur media, quibus satisfieri possit indicationi prophylacticæ.

Si ideò ægrotare hominem novimus, quia lethifera vis ingesti veneni ventriculum laceſſit, indè per totum corpus diffundenda, tunc ocissimè ingestum venenum foràs expelli, aut vim ejus retundi debere liquet: expelletur emeticis exhibitis  
medici



medici tempestivè accersiti præscripto , juxtà indicationem prophylacticam : vis retundetur tùm generali , tùm specificâ methodo : aqua tepida simplex , aqua pulli , serum lactis , lac ipsummet , oleosa , blanda remedia suppeditabunt , ut plurimum efficacia , quæcunque demùm erit vis veneni specifica : si nota fuerit hæc vis veneni specifica , & jam docuerit observatio hanc vim specificam alio quocunque ingesto corrigi aut destrui posse , tunc illud observatione probatum exhiberi poterit. Quod sic agens , ità ut corrigat , aut destruat vim specificam hausti veneni , vocatur hujus *antidotum*. Huic ergò indicationi , præservatoriæ , dùm satisfacere cupit medicus , in mentem revocet opus est , quæ priùs perlegere debuit & memoriæ mandare circa venenorum & antidotorum Historiam , monitus intereà lubricam esse nèc ità obviam per antidota medendi rationem , securiorem esse & in plerisque circumstantiis solam possibilem , quæ in usum redigatur , methodum generalem mòx descriptam.

Si verò ab extrinseco vulneribus inflictis vis venenata corpori inhæserit , tunc ligaturâ suprâ partem vulneratam institutâ , hujus scarificatione , sectione , ambustione ,

huic applicatis propriis antidotis , si quæ sint , aut medicaminibus cardiacis , antisepticis impeditur , quantum licet , nè vis lethifera sese penetret in intima corporis , non neglectis interim medicamentis internis externisvè universalioribus , quæ profuisse in simili casu docuit experientia.

Si principia latentia fuerint , uti sunt diversa virûs genera , propriis sibi signis tum diagnosticis , tum maximè anamnesticis cognita , tum illa opus erit tolli , aut retundi methodo cuilibet debellanda adaptata , teste observatione.

Haftenus progreditur Empirico & dogmatico communis indicatio prophylactica ; verum ultrà tendit Medicus dogmaticus , vitiatas dispositiones corporis partium , quas habet pro causis morbi symptomaticè considerati , pro ipsismet morbis Pathologicè sumptis , emendare , tollere studet ductus indicatione prophylacticâ , dum symptomata expendit à talibus causis pendentia , quæ coïncidit cum indicatione curatoria , dum morbos Pathologicorum more considerat.

Multiplex itaque vitium tum in solidis , tum in fluidis partibus corporis humani suis signis cognitum remove studet Medicus dogmaticus , ut symptomata ex iis



nata mitescant aut debellantur.

In solidis autem partibus strictum seu durum & molle, tensum, aut laxum imprimis considerant. Stricto seu duro, opponunt humectantium, emollientium omne genus tum internè, tum externè adhibitum; molli, adstringentia, densantia, vel roborantia omnigena; tenso, sensibilitatem obtundentia, minuentia, narcotica, hypnotica; laxo, stimulantia, cardiaca quæcunque; quæ omnia componi debent ad varias cautelas, quæ circa usum horumce remediorum docent Pharmacologi.

Fluidas corporis humani partes peccare quantitate, qualitate & motu perhibent. Quantitas aucta seu plethora, diætâ, misso sanguine tollitur, aut minuitur; quantitas bonorum succorum imminuta, diætâ convenienti restituitur. In habitu cachectico serum luxurians, purgantibus, diureticis, diaphoreticis & sudorificis eliminatur. Spissitudo nimia obstruens meatus, corrigitur attenuantibus & aperientibus dictis medicaminibus. Acre obtunditur diluentibus & demulcentibus. Impetum nimio fluida exagitata, refrigerantibus, nitrosis, acidiusculis, missione sanguinis plus minus vè iteratâ compescuntur; languentia segniori motu, excitantur addito

stimulantium calcare , attenuantibus , cardiacis & sic porrò.

## XII.

Indicatio curatoria ea est , quæ demonstrat agenda in morborum curatione. Indicata autèm , quæ huic proposito satisfaciunt , si Medicinam empiricam excolamus , tantummodò perspecta haberi possunt , ex historiâ ipsissimâ morborum tum genericè , tum specificè consideratorum , sedulissimè cavendo ut , quæ similia videntur primo & rudiori intuitû , re verò ipsâ dissimilia sunt ulteriori & peritiori scrutinio probata , secum invicem perperam confundantur & unâ eâdemquè methodo , cum summâ ægrorum pernitie tractentur. Ubi morbi nondum observati occurrent , tunc solius analogiæ filo regetur indicatorum inquisitio , tunc prudentissimâ tarditate sese geret Medicus in præscribendis auxiliis curatoriiis , assidebit ægro frequentius & curiosissimè pervestigabit quælibet in ægro autè circa ægrum apparentia , notabitquè sedulissimè effectus quoscunque variis remediis adhibitis , factos sensibus obvios. Hisce præceptis obtemperans clinicus , si semper juvare nequeat , saltèm nunquam , aut vix unquam nocebit.

Quod si magis placuerit ex doctrinâ dog-



maticorum medendi præcepta haufisse, tunc latentia principia morbi tùm fluidis, tùm solidis partibus inhærentis, morbum ipsummet varium expiscari dabitur per signa, quæ Medici rationales tanquàm principia adscribunt variis illis principiis & morbis. Quibus relectis, medela afferetur tùm experientiâ, tùm ratione ducibus. Porro quoniam sint illi morbi ad quot potissimum capita generalia revocentur, quibus mediis seu indicatis auferri credantur, Pathologorum rationalium more, jam supra, breviter & quantum exigit instituti nostri ratio, in præcedenti paragrapho exposuimus.

### XIII.

Indicatio palliativa seu urgens aut mitigatoria prospicit sedationi aut mitigationi variorum symptomatum in morbi cujuscvis decursu obviorum nec tamèn ipsi essentialium, saltèm ut plurimum.

Ex hac indicationis palliativæ tradita ideâ sequitur, illam respicere non solum symptomata accidentalialia, sed et etiam quandoquè essentialia, sic indicatione palliativa impellimur ad sedandum dolorem nimis atrociter sævientem in inflammatione, & quidem hisce mediis adhibitis, quæ neutiquàm proficerent in morbo inflammatorio juxta consuetum naturæ ordinem progrediente :



fic in febre ardente fitis inextinguibilis molestiam anxietatis plenam minuere debemus variis auxillis , quæ nullo modo per se conferunt ad ipsius morbi curationem , dolor tamèn inflammationi essentialis est & fitis inextinguibilis feбри ardenti.

Maximoperè prætium est attendisse in praxi medicâ ad hanc indicationem palliativam seu urgentem ; enimverò hâc incautiùs neglectâ , impedietur recta diagnosi , morbi progressus , incedendi ordo minùs perspicuè distinguuntur , prognosis ergò certa nulla esse poterit , tribuentur ipsi morbo , quæ ad ipsum minùs pertinent symptomata multigena , indè confusio in mente Medici nascetur , & incerta medendi methodus.

Symptomata gravia quæ peculiarem attentionem Medici exigunt & propriam medelam exostulant , ab iis quæ sunt ipsi morbo curando propria , facile discernet Medicus , si morbi curandi historiam probè animo repositam habuerit , ex hâc enim probè perspectâ , quisnam esse debeat symptomatum ordo , progressus , varietas , quantum homini datur , discere poterit. Symptomata autèm quæcunque insignia in ægro apparent contrà consuetum naturæ ordinem , ex historiæ fide cognitum , cer-

tus habebit pro symptomatibus accidentalibus peculiari modo debellandis, hunc in finem, ut illis sedatis, natura ad normam solitam reducatur & curatio institui possit juxtà leges indicationis curatoriae antea propositas.

Intèr hæc symptomata accidentalialia, quæ singulari medelâ & promptâ quidè m indigent, recensentur potissimùm dolor atrox, fitis perpetuum potum anxie imperans, animi deliquia, syncope, symptomata hysteriæ aut affectûs hypochondriaci, subversiones quasi totius humanæ machinæ à gravibus animi pathematis, molesta agrypnia.

Dolor atrox narcoticorum sic vulgò dictorum usum tùm externum, tùm potissimùm internum expostulat; fitis mitigatur globulis marmoreis intrà os volutatis, lintheis aquâ subtepidâ, quandoquè frigidâ madidis ori interno admotis & sæpiùs renovatis, potû frequentius, sed parcius quâlibet vice exhibito nitroso, acidulo, mucilaginoso, &c. animi deliquium solvent aspersa faciei frigida, naribus admotis aceto aut liquoribus fragrantibus, aromaticis aut sale volatili foetis, cardiacis internè assumptis. Iisdem auxiliis syncope tolletur. Symptomata hysteriæ aut hypochondriaci



affectûs cognoscenda 1<sup>o</sup>. Ex historiâ illorumce morborum , 2<sup>o</sup>. Ex interrogatis ægro aut adstantibus utrûm æger sit illis morbis obnoxius nèc nè , mitigabuntur potionibus anti-hystericis vulgò dictis. Quæ ab animi pathemate nata esse symptomata resciverimus , ea , pacato animi pathemate , excitatâ , si fieri possit, contrariâ mentis affectione , mitescent. Tandem agrypniæ tollendæ directè conferent medicamenta hypnotica , aut auxilia moralia , si agrypnia , uti sæpè fit , metû aut alio quodam animi pathemate producat.

#### X I V.

Haftenûs dictum est de iis quæ medicum docere possunt , tùm circà peragenda inter curandos morbos , tùm circà media generaliori intuitû delineata quibus hæc peragi possint ; verûm , uti jam notavimus ( I , ) ultrà tendat opus medicus necessum est , varias siquidè cautelas in remediorum administratione perpendendas unde quaque perspicere debet , antequàm securus indicationem quamcunque obviam aptatis mediis adimplere satagat.

Porro illæ cautelæ potissimùm hauriri debent ex scientiâ *coindicantium* , *permittentium* , *contraindicantium* , *correpugnantium* , *repugnantium* seu *non permittentium*.

Indicans



Indicans esse diximus (IV.) id omne, quod in ægro aut circa ægrum deprehensum docet quid in eo servandum aut mutandum sit, ut sanus fiat; quæcunque in eodem ægro observata conspirant ad suadendum idem agendum, *coindicantia* dicuntur, quæ verò in ægro aut circa in ægrum perpenſa non vetant quominus id agatur quod ab indicantibus & coindicantibus agendum suadetur, *permittentia* vel *non repugnantia* dici solent. Sic in morbo inflammatorio suadent vacuari debere sanguinem, seu indicant & coindicant inflammatoria symptomata vividius in parte sævientia, vires vitæ, ut ita loquor, effrenes: idem permittit fieri sub illis circumstantiis consideratio morbi hujus viribus constantem, minimè quâcunque causâ præcedente, debilitatum aggredientis.

Id omne quod in ægro deprehensum dissuadet id agendum esse, quod agendum suadetur ab altero, habito respectu ad alterum, dicitur *contraindicans*, & quæcunque observata circa ægrum dissuadent idem, quod contraindicans, dicuntur *correpugnantia*, quæ verò fieri vetant, quæ ab indicante suadebantur, *repugnantia* simpliciter aut *non permittentia* vocantur. Sic os alieno sapore molestatum, crusta

diverficolor linguam obducens, ructus, nausea per se indicant ægrotanti vomendum esse, & proindè vomitionem excitantia medicamina venire adhibenda, sed in eodem ægro febris acuta, epigastrii dolor, tensio, ardor periculum vomitionis excitandæ summum demonstrant, dissuadent ergò vomitionem, contraindicantquè vomitoriorum usum; vires vitæ debiles, in animi deliquium proclivitas conspirant cum præcedentibus, ad dissuadendam vomitionem, sunt ergò correpugnantia; hernia, si fortè occurreret in eodem ægro, repugnans esset seù non permittens.

Ex modo dictis patet medicum ad quid agendum in curatione morborum, determinato auxiliorum genere, tandiù anticipem hærere debere, quadiù non exactâ lance ponderaverit vim indicantium, coincidentium, permittentium, contraindicantium, correpugnantium & repugnantium.

Indè liquet maximam, quæ in medendo occurrit, difficultatem petendam esse ex pondere æquilibri indicantium & contraindicantium. Quam difficultatem ut, quantum licet, arceat medicus ad sequentia monita suam componat agendi rationem necessum est.



1°. Indicationi vitali semper satisfaciendum est, posthabitis quibuscunque aliis, tùm indicantibus, tùm contraindicantibus, &c.

2°. Ubi plures sunt indicationes & contraindicationes, quibus omnibus satisfacere simùl impossibile sit, tunc maturè circumspectissimequè æstimandum est quibus indicantibus aut contraindicantibus maximè faveat indicatio vitalis, & illis præ reliquis auscultandum est.

3°. Si sperandum sit, fore ut indicatio possit adimpleri simùlquè præcaveri malum, quod contraindicatione metuendum facit, tunc eâ quasi mediâ viâ incedendum est. Sic ubi circumstantiæ in ægro observatæ emesim necessariam esse suadent, quam dissuadet virium debilitas, cardiaca prudenter emeticis maritata omnem absolvunt paginam.

Circà diætam ægris præscribendam non possunt satis commendari præcepta *Hyppocratis* in aphorismorum sectione primâ consignata, illudquè prætereà in sectione secundâ legendum; *cibus paulò deterior sed suavior est præferendus meliori sed ingrato*. Quod quidem præceptum ideò notamus expressè, quod maximi licèt momenti, tamen aliis minus, à plerisque clinicis animadvertitur.




Circà purgationem, imprimis quæ per primas vias fit, iterùm monemus ut *Hyppocratis* consiliis in aphorismorum sectione primâ potissimùm congestis medici obtemperent, quæ quidèm adeò firmis inituntur fundamentis, ut plures etiàm clinicos videre sit, qui dùm se profitentur *Hyppocraticæ* doctrinæ minimè obsequiosos, intereà vî experientiæ coacti ut ut inscii, more *Hyppocratico* se se gerunt. Quibus mōx dictis tantò faciliùs fides adhibebitur, quantò accuratiùs distinguetur purgatio propriè dicta è profundis corporis cogens ad intestina, quæ valentioribus tantùm medicaminibus obtineri potest (qualia ferè sola *Hyppocrati* innotescabant,) distinguetur, inquit, à purgatione minùs propriè dictâ, primas vias simpliciter averrente, è profundis corporis, vèl nullomodò, vèl alliciente potiùs quàm cogente ad intestina, quæ medicaminibus parùm stimulantibus, èccoproticis peragitur, quæ has ob rationes multò minùs turbare valent naturæ motus, quæ quidem sæpissimè inutilis, tamèn vix noxia evadere potest etiàm præscripta juxtà leges apud præstantissimos recentiores clinicos receptissimas.

Insummâ circà præscriptionem auxilio-

rum multigenorum , iis utendi tempus , formulas varias consulatur observatio antè actorum in historiâ medicâ consignatorum , observata conferantur intèr se sedulò , usui quotiès nihil ægrotantibus noxii præ se ferre videtur , plurimum concedatur , analogia supplere conetur , quod directâ nulla commonstrat observatio ; ratiociniis primam ultrâ secundamvè consequentiam ab experimento , quin ab observatione deductis , perquàm rarò , nèc nisi circumspectissimâ meditatione prægressâ confidatur : namquè experimentum periculofum , imò ipsam quandoquè experientiam falacem esse , perpetuò meminisse oportebit & juvabit.

## F I N I S.

*QUÆSTIONIBUS PHYSIOLOGICIS RESPONDERE  
CONABITUR.*



# ARGUMENTABUNTUR

R.R. D.D. PROFESSORES REGII.

R. D. JOANNES-FRANCISCUS IMBERT ,  
*Cancellarius & Iudex.*

R.D. HENRICUS HAGUENOT , *Decanus.*

R. D. FRANCISCUS DE SAUVAGES.

R. D. FRANCISCUS DE LAMURE.

R. D. GABRIEL-FRANCISCUS VENEL.

R. D. CAROLUS LE ROY.

R. D. PAULUS-JOSEPHUS BARTHÉS.





9606





